

要聞

徐制軍寬籌經費

東省徐制軍因東三省舉辦一切要政需款甚鉅雖經籌有的款核計不敷前日已與慶邸議定到任後須募公債票二千萬兩其章程仿照前直隸辦法惟年限較爲縮短而利益則視前加增庶使富紳巨商輸將踴躍

度支部奏准試鑄通用銀幣

銀幣一事因分量一兩與七錢等幣未決現查鄂廠所鑄一兩銀幣未甚通行度支部決計定庫平七錢二分爲通用銀幣已奏准飭總廠先行試鑄

德兵艦分駛粵蜀

廣東地方匪徒作亂駐京德使照會外部派駐膠戰艦一艘駛往以保衛商民四川開縣因煙禁釀成教案德教士均逃至萬縣避難亦派駐重慶瓦達蘭號戰艦駛往萬縣以保護教士

南洋大臣有請陸見之消息

聞政界中人云兩江總督端帥有請陸見之說云有機密要事面奏并與政府商酌查東省督撫已有乘涼車奏事之例尙未通行各省故仍用請陸見舊文耳

革命黨有潛行入京之傳聞

聞有革命黨二人潛行入京偵探政府之秘密傳說如是姑錄之未知確否也

議改綠營將領名目

陸軍部各營昨與慶邸會議擬改綠營官制所有副參游都守等名目一律刪去改爲中將少將中佐少佐以資振作俟議妥後即當奏明辦理按綠營之腐敗在弁與兵耳使朝夕訓練人人有忠君愛國之心名之曰中將中佐固可用名之曰副參游都守亦可用若猶是弁猶是兵僅易去副參游都守樣豈遂爲名實相符哉

農工商部傳兩部擬派大臣總理

慶邸以農工商部及郵傳部所管事務均屬緊要非特派大臣總理不足以專責成擬援外部陸軍部成例奏請另簡大員以總其綱

德外部允禁德商私運軍火

代理駐德公使吳參贊前奉廷寄私運軍火一事當向德外部交涉請其查禁德外部已允電飭駐華公使轉諭德商不得私運軍火以妨治安

吉林奏設五國語言文字學堂

吉林達馨帥以吉林風氣錮塞於歐亞方言從未講究每遇交際僅恃舌人恐其中難免顛倒是非致生嫌隙因奏請於省城設立學堂專習英法日俄德五國語言文字已奉旨允准

北京新聞

行聖公頤和園朝覲念五日早朝行聖公頤和園朝覲 皇太后 皇上聞行聖公此次入朝實係 兩宮親 欲諮問整頓學務之策故 諭令面奏

郵傳部設立公所 頃和園左右均設公所 兩宮駐蹕時得以就近辦理公務郵傳部係屬新立尙未設置公所現在該部堂憲選定地方設立公所該地址即在 頤和園宮門前馬廠門路北娘娘廟云

倉場設消防隊 昨民政部准倉場總督咨本場購置洋槍等件定於本月二十八日由前門車站卸運進城請飭照料蓋倉場前經奏准購辦洋水龍分置各倉以防火警旋又據派各倉役赴警務學堂學習自衛消防法卒業回倉轉相傳授現已編成隊伍模範相宜再加講求并習操槍之法現由天津日商三井大倉兩洋行購定日本明治十八年式村田槍一百零五杆隨帶刺刀一百零五把皮帶一百零五條子彈盒一百零五個派員前往天津挑選擬由火車運京查此項槍件係官用之物業經札飭天津海關道并咨崇文門稅務司照章免稅放行暨咨郵傳部照章火車減半收價定於本月二十八日由前門火車站卸運進城

官場紀事 天津府陶太守昨日由京乘晚車來津縣署照例派差至車站迎接△津海關道梁觀察如浩定於二十日由津來津接印△蔡紹基觀察交卸後定於初二日赴津蒞任

自治局批覆 縣署設自治局文○據稟已悉地方自治先從天津一縣試辦然後推行各屬此本局職務所應爾該令就舊有親民局易名自治局所定章程十二條尙屬簡要易行且以官紳練習預備他日實行宗旨尤復秩然有序熱心毅力嘉慰良深惟自治局名目既與本局相混且該局於學務警務

又有公同議辦之權則執行議決機關實已包含在內即爲將來議事董事兩會之根據與本局之專事豫備者不同應改爲慶雲縣自治公所至一切經費據稱已籌集一千四百吊並於河淤地租執照費內撥用若干此外不敷之款致與自治名義不符所請撥銀之處本難准惟初籌集之難亦屬實情且該局規模尚具并稱另籌的款應暫由本局墊支銀伍百兩由後任和令具狀來領以資早日確實成立俟籌款有著即行歸墊以清官款自治爲我國從前所未有之事實當試辦之初益宜格外審慎并仰和令督同紳董細心經理以冀早收成效并將辦理成蹟隨時詳報以便查核仍候 各憲批示此繳摺存

趙家場鄉獄詞 (王悅控王春和一案) 王悅之子王春和及其兒媳王何氏將其女配與曹湧子爲妻今年二月伊夫婦在唐家舖誘出曹王氏私自來津由人說合得錢貨與三不管水順落子館石蘭芳下處爲娼茲據王悅及王何氏之弟何福增因曹湧子在霸州控告限十日來津訪查昨始查明下落呈請提訊訊得王寶山係石蘭芳掌櫃曹王氏之賣娼係馬九嫂說合會付洋一百元並不知係有夫之婦飭取王寶山切結侯王春和到案將該氏等一併解至霸州歸案訊辦

日提宴賓 日本提督在本府設筵恭請東三省總督徐菊帥吉林巡撫朱中丞奉天巡撫唐中丞宴會

判罰苦力 河北小乳莊龐振德拉洋車爲生與孟四同在王姓舖內借宿於前數日夜間龐與孟互相爭吵龐稱借宿挾嫌孟稱龐欲向其鴉姦各等語業經審判龐孟大令訊明將龐判罰苦力一年不准收贖

竊案免驗 東南城角萬家莊張鈞奎之妻趙氏與其十五齡之女同吞阿芙蓉膏當經灌救其妻幸生女則已不救張已赴津判廳稟請擱驗有謂張逼其女賣娼者有謂欲將其女變賣者衆論紛紛莫衷一是

認賭地價 朱某在審判廳呈控馬永林等盜賣地等情業經承審官某大令訊明案內之錢某自知理曲當即供認具結賠償已悉准再懲判決

領媳未准 顏王氏之媳邱氏前被任寶永拐帶業經審判廳訊結將任寶收擬辦將邱氏發交濟良所另行擇配現該氏欲將其媳領回赴審判廳呈請部長恐被該氏領回復落煙花當即批駁不准

聯名稟控 東馬路吉生洋貨舖掌櫃何雲所逃跑及經審判廳查封等情茲悉當經鴻興汽水公司等五家先後赴審判廳以欠債呈控業經批候彙案核辦云

車站紀事 陸軍第四鎮第四起退伍兵一百十四名副隊官一員由馬廠乘津換乘火車於二十八日赴保定再回原籍

陸軍第二鎮挑選馬步隊學兵六十五名統帶王茂商管帶張興齡於二十七日由灤州乘火車來津赴韓家堡講武堂△教慶隆現銀五千兩於二十七日由灤州來津又萬豐銀號現銀一萬八千兩於二十八日早車由津運京

來函 第四十三次續登江北賑捐善款細數 第一百九十四冊 邱映斗黃小慈 杜彥臣 于春泉 翟蔭棠 孫頌吉 以上六位各助洋一元 共洋十元

武縣謙益享代募 傅潤田洋二元 沈子扶洋一元半 孫少庭半圓 張文卿半圓 孫仰真半圓 共洋五元

第三百八十七冊武縣謙益享代募 傅潤田洋四元 沈子扶洋二元 孫少庭一元 張文卿一元 孫仰真一元 買瑞雲 趙清蘭 張吉辰 商調甫 劉玉堂 孫少圃 原

子清 陳永福 王有言 張來福 以上十位各助大錢四百折交洋每位四角四分八釐 合洋四圓四角八分

楊雲龍 各助大錢三百應折洋六角七分二釐 裴樹庭 王憲章 趙柏 魏書甫 以上四位各助大錢二百每位折交洋二角二分四釐合洋八角九分六釐 共洋十五元

第四百三十一冊新鄉縣晉和源募 任琴蓀二圓 屠衍卿一圓 趙警齋一圓半 傅幼田一圓半 金銘三一圓半

葉蘊生 魏俊卿 陳黑林 華希臣 查吾三 以上五位各助洋半圓 晉和源總店各鎮助洋十圓 共洋二十圓 通共洋五十圓 天津官紳商會公啓

官場行程紀 二十七日 日員青木大佐 由津回京 二十八日 新任天津府陶太守士鈞 由京來津